



四庫全書

薈要

【集部】

吉林人民出版社

乾隆
御覽本

四庫全書薈要

集部
第十三冊

欽定四庫全書薈要

集部
石湖詩集卷一至四

詳校官助教臣謝登

石湖詩集目錄

卷一

詩四十六首

卷二

詩五十四首

卷三

詩六十三首

卷四

詩六十七首

卷五

詩五十一首

卷六

詩四十三首

卷七

詩四十九首



欽定四庫全書

石湖詩集
目錄

卷八

詩五十二首

卷九

詩五十一首

卷十

詩五十九首

卷十一

詩六十五首

欽定四庫全書

石湖詩集
目錄

卷十二

詩七十二首

卷十三

詩四十四首

卷十四

詩五十四首

卷十五

詩六十九首

卷十六

詩六十五首

卷十七

詩六十九首

卷十八

詩六十首

卷十九

詩五十二首

欽定四庫全書

石湖詩集
目錄

卷二十

詩八十四首

卷二十一

詩六十首

卷二十二

詩四十二首

卷二十三

詩七十二首

卷二十四

詩七十首

卷二十五

詩六十三首

卷二十六

詩五十六首

卷二十七

詩七十九首

卷二十八

詩七十五首

卷二十九

詩五十首

卷三十

詩三十三首

卷三十一

詩五十一首

欽定四庫全書

石湖詩集
目錄

四

卷三十二

詩五十七首

卷三十三

詩三十九首

卷三十四

賦六首

楚辭四首

凡詩賦楚辭一千九百二十六首

欽定四庫全書

石湖詩集
目錄

五

臣等謹案石湖詩集三十四卷宋范成大撰

成大有吳郡志已別著錄案陳振孫書錄解

題成大有集一百三十六卷宋史藝文志亦

載石湖大全集一百三十六卷與陳氏著錄

同又石湖別集二十九卷又石湖居士文集

亡其卷數明代刻本僅一百三卷未詳其故

此本長洲顧嗣立等所訂乃於全書之中獨

摘其詩別行附賦楚辭一卷前有楊萬里陸

游二序然萬里所序者乃其全集不專序詩
游所序者乃其西征小集亦非序全詩以名
人之筆嗣立等姑取以弁首耳據萬里序集
乃成大所自編考十一卷末有自註云以下
十五首三十年前所作續得殘稿附此卷末
其餘諸詩亦皆註以下某處作今所傳者猶
自編之舊本矣詩不分體亦不分立名目惟
編年為次然送洪邁使金詩凡四首其兩首
在第八卷列於邁使還入境以詩送之之前
其兩首乃列於第十卷何溥挽詞之後邁未
嘗再使金則送別之詩不應前後兩見又南
徐道中詩下註曰以下赴金陵漕試作則是
當在第二卷之首不應孤贅第一卷之末疑
後人亦有所竄亂割併故與宋本卷數不符
歟成大在南宋時與尤袤楊萬里陸游齊名
袤集久佚世所傳者僅尤侗所輯之一卷篇

什寥寥未足定其優劣今以楊陸二集相較
其才調之健不及萬里而亦無萬里之粗豪
氣象之濶不及游而亦無游之窠臼初年吟
詠實沿溯中唐以下觀第三卷夜宴曲下註
曰以下二首效李賀樂神曲下註曰以下四
首效王建已明明言之其他如西江有單鵲
行河豚嘆則雜長慶之體嘲里人新婚詩春
晚三首陸師四圖諸作則全為晚唐五代之
音其門徑皆可覆按自官新安掾以後骨力
乃以漸而道蓋追溯蘇黃遺法而約以婉峭
自為一家伯仲於楊陸之間固亦宜也乾隆
四十二年五月恭校上

總纂官臣紀昀臣陸錫熊臣孫士毅

總校官臣陸費墀

序

予疇昔之晨與客坐堂上遙見一健步黃衣負一笈至庭下呼而誦其奚自曰自參政公范氏也發其笈公之文集在焉索其書讀之則公之子莘叩頭請曰莘不天不自實越而先公一夕奄忽棄其孤莘欲死而不敢者有先公付託之重任在方先公之疾而未病也日夜手編其詩文數年成集凡若干卷逮將易簀執莘手而授之且曰吾集不可以無序篇有序篇非序篇寧無序篇

欽定四庫全書

石湖詩集

二

也今四海文字之友惟江西楊誠齋與吾好且我知微斯人疇可以屬斯事小子識之若莘則何敢請而先公之治命不敢墜惟先生哀而諾之予執書抱遺編而泣曰萬里與公同年進士也公先進至為朝廷大臣與天子論道發政坐廟堂進退百官而萬里環堵荒寒之士也何敢與公友公不我薄陋而辱友之萬里不敢拒公亦不敢以執政俟公也今忍死丁寧之託其何敢辭初公以文學材氣受知壽皇自致大用至杖漢節使強鄰

即其庭伏穹廬不肯起袖出私書切責之君臣大驚有自階閣之壁竊位樞臣者其勢方震赫公沮之竟不奉詔而去其所立又有不凡者矣若夫劇心於山水風月之場彫龍於言語文章之圃此吾輩羈窮酸寒無聊不平之音也公何必能此哉古語曰爭名者必於朝爭利者必於市是二人者使之以此易彼或以彼易此二人者其肯乎哉非不肯也不願也非不願也亦各樂其樂也詩人文士挾其所樂足以敵王公大人之所樂不啻也猶將愈之故王公大人無以傲夫士而士亦無所折於王公大人今公乃自屏其所可樂而復力爭夫士之所甚樂所謂不虞君之涉吾地者其不多取乎然公之詩文非能工也不能不工耳公風神英邁意氣傾倒拔新領異之談登峰造極之理蕭然如晉宋間人物他人戛戛吃吃而不能出諸口者公曠呻噫欠之間粹然談笑而道之則其詩文之工豈十日一水五日一石之謂也哉甚矣文之難也長於臺閣之體者或短於山林之味

欽定四庫全書

石湖詩集

二

諧於時世之嗜者或滿於古雅之風牋奏與記序異曲
五七與千百不同調非文之難兼之者難也至於公訓
誥具西漢之爾雅賦篇有杜牧之刻深騷詞得楚人之
之幽婉序山水則柳子厚傳任俠則太史遷至於詩大
篇決流短章斂芒鐸而不釀縮而不儻清新嫵麗奄有
鮑謝奔逸僞偉窮追太白求其隻字之陳陳一倡之鳴
鳴而不可得也今海內詩人不過三四而公皆過之無
不及者予於詩豈敢以千里畏人者而於公獨斂衽焉
於是文士詩人之難者易偏者兼矣其不盛矣乎嘻人
琴今俱亡矣廣陵散今此聲遂絕矣惠子不生莊子不
死復何道哉公之別墅曰石湖山水之勝東南絕境也
壽皇嘗為書兩大字以揭之故號石湖居士云公諱成
大字致能世為姑蘇人其世次言行職官則有少保大
觀文大丞相益公周公之銘詩在紹熙五年六月十一
日誠齋野客楊萬里謹序

序

石湖居士范公待制敷文閣來帥成都兼制置成都潼
川利夔四道成都地大人衆事已十倍他鎮而四道大
抵皆帶蠻夷且北控秦隴所以臨制捍防一失其宜皆
足致變故於呼吸顧盼之間以是幕府率窮日夜力理
文書應期會而故時巨公大人亦或不得少休及公之
至也定規模信命令施利惠農選將治兵未數月聲震
四境歲復大登幕府益無事公時從其屬及四方之賓
客飲酒賦詩公素以詩名一代故落紙墨未及燥士女
萬人已更傳誦被之樂府弦歌或題寫素屏團扇更相
贈遺蓋自蜀置帥守以來未有也或曰公之自桂林入
蜀也舟車鞍馬之間有詩百餘篇號西征小集尤雋偉
蜀人未有見者盡請於公以傳屢請而公不可彌年乃
僅得之於是相與刻之而屬游為序淳熙三年上巳日
朝奉郎成都府路安撫司參議官兼四川制置使司參
議官山陰陸游序

宋史本傳

范成大字致能吳郡人紹興二十四年擢進士第授戶曹監和劑局隆興元年遷正字累遷著作佐郎除吏部郎官言者論其超躐罷奉祠起知處州陞對論力之所及者三曰日力曰國力曰天力今盡以虛文耗之上嘉納處民以爭役囂訟成大為勅義役隨家貧富輸金買田助當役者甲乙論第至二十年民便之其後入奏言及此詔頒其法於諸路處多山田梁天監中詹南二司

欽定四庫全書

石湖詩集
本傳

馬作通濟堰在松陽遂昌之間激漢水四十里溉田二十萬畝堰歲久壞成大訪故迹疊石築防置堤關四十所立水則上中下溉灌有序民食其利除禮部員外郎兼崇政殿說書乾道令以絹計贓估價輕而論罪重成大奏承平時絹匹不及千錢而估價過倍紹興初年遞增五分為錢三千足今絹實貴當倍時直上驚曰是陷民深文遂增為四千而刑輕矣隆興再講和失定受書之禮上嘗悔之遷成大起居郎假資政殿大學士充

金祈請國信使國書專求陵寢蓋泛使也上面諭受書

事成大乞并載書中不從金遣使者慕成大名至求巾幘效之至燕山密章奏具言受書式懷之入初進國書詞氣慷慨金君臣方傾聽成大忽奏曰兩朝既為叔姪而受書禮未稱臣有疏措笏出之金主大駭曰此豈獻書處耶左右以笏標起之成大屹不動必欲書達既而歸館所金主遣伴使宣旨取奏成大之未起也金庭紛然太子欲殺成大越王止之竟得全節而歸除中書令

欽定四庫全書

石湖詩集
本傳

人初上書崔寔政論賜輔臣成大奏曰御書政論意在飭紀綱振積敝而近日大理議刑遞加一等此非以嚴致平乃酷也上稱為知言張說除養書樞密院事成大當制留詞頭七日不下又上疏言之說命竟寢知靜江府廣西賓賈專藉鹽利漕臣盡取之於是屬邑有增價抑配之敝詔復行鈔鹽漕司拘鈔錢均給所部而錢不時至成大入境曰利害有大於此乎奏疏謂能裁抑漕司強取之數以寬郡縣則科抑可禁止從之數年廣州

鹽商上書乞復令客販宰相可其說成大出銀錢助之
人多以為非下有司議卒不易成大說舊法馬以四尺
三寸為限詔加至四寸以上成大謂互市四十年不宜
驟改除敷文閣待制四川制置使疏言吐蕃青羌兩犯
黎州而努兒結蕃列等尤桀黠輕視中國臣當教閱將
兵外修堡砦仍講明放閱團結之法使人自為戰三者
非財不可上賜度牒錢四十萬緡成大謂西南諸邊黎
為要地增戰兵五千奏置都監路分吐蕃入寇之路十
有八悉築柵分戍努兒結擾安靜砦發飛山軍千人赴
之料其三日必遁已而果然白水砦將王文才私娶蠻
女常導之寇邊成大重賞檄羣蠻使相疑貳俄禽文才
以獻即斬之蜀北邊舊有義士三萬本民兵也監司郡
守雜役之都統司又俾與大軍更戍成大力具其不可
詔遵舊法蜀知名士孫松壽年六十餘樊漢廣甫五十
九皆挂冠不仕表其節詔召之皆不起蜀士由是歸心
凡人才可用者悉致幕下用所長不拘小節其傑然者

露章薦之往往顯於朝位至二府召對除權吏部尚書
拜參知政事兩月為言者所論奉祠起知明州奏罷海
物之獻除端明殿學士尋帥金陵會歲旱奏移軍儲米
二十萬賑飢民減租米五萬水賊徐五竊發號靜江大
將軍捕而戮之以病請閒進資政殿學士再領洞霄宮
紹熙二年加大學士四年薨成大素有文名尤工於詩
上嘗命陳俊卿擇文士掌內制俊卿以成大及張震對
自號石湖有石湖集攬轡錄桂海虞衡集行於世

石湖詩集卷一

宋 范成大 撰

行路難

贈君以丹棘忘憂之草青棠合歡之花馬腦遊仙之夢
枕龍鯨辟寒之寶紗天河未翻月未落夜長如年引春
酌昔人安在空城郭今夕不飲何時樂

西江有單鵠行

欽定四庫全書

石湖詩集
卷一

西江有單鵠託身萬里雲猥為稻梁謀墮此鷗鷺羣朝
遊楓葉杪暮宿蘆花根懷安浦淑暖忘記雲海寬忽有
孤征鴻驚飛落江濱眼明見黃鵠解后傾情真羽毛雖
不同意氣頗相親言鵠有六翮何不高飛翔水鳥不足
羣朝暮徒嘲喧相將乘風去一上盤秋旻渴飲顙露滋
飢吸晴霞暎方知翅翎俊可以凌埃塵東風昨解凍春
光暖如薰陽鳥當北鄉行止修已分儻欲相逐去關山
隔吳秦兩鳥竟分飛鳴聲動行人豈不有歲晚鴻當復

來賓但愁山海闊歧路多糾紛復來失故道那得相知
聞鴻歸有儔侶鵠住長悲辛

車遥遥篇

車遥遥馬憧憧君遊東山東復東安得奮飛逐西風願
我如星君如月夜夜流光相皎潔月暫晦星常明留明
待月復三五共盈盈

放魚行

水落塘枯魚卧陸小兒抱取不濡足昂藏赤鱗亦垂頭

欽定四庫全書

石湖詩集
卷一

背負玄鱗三十六家人滌砧不辭勞云有素書金錯刀
嗟予贖放豈微福忍把汝命供吾饕如今已脫張胡子
好上龍門飲湖水不然崛起載飛仙切莫顛狂稱長史
晚步東郊

水墨依林寺青黃負郭田斜陽猶滿地片月早中天策
策鴉飛急冥冥樹影圓西山元自好那更著雲煙

元夜憶羣從

愁裏仍蒿徑閒中更華門青燈聊自照濁酒為誰溫隙

月知無夢窓梅寄斷魂遙憐好兄弟飄泊兩江村

登西樓

少年豪氣合推鋒青鬢朱顏萬事慵
昔四愁無夢到及時一笑有誰供
詩情飲興如雲薄草色花光似酒醲
千里春心吟不盡下樓分付晚煙鐘

不寐

南風釀卑濕滑滑病履舄竟日隱几坐
拳局不得適丹田恍瀕洞銀海眩眊黑
髀弱類跨鞍臂強如運甕合體

欽定四庫全書

石湖詩集

三

競酸嘶莫夜輒增極奏牀不得眠耿耿到明發
黃妳共住久來夢乃其職睡魔吾故人曩是不連客
招呼各偃蹇莫効尺寸力周公無由來咫尺今古隔
彭尸不得去置騎無行色主客兩愁緒虛室浪生白
人言老禪師兩脇不到席茲事恐未暇但願了今夕
平生北窓眠栩栩即聖域睡僊吾所慕行步亦軒息

河豚歎

鰕生藜莧腸食事一飽足腥腐色所難況乃衷配毒彭

亨強名魚殺氣孕慘贖既非養生具宜謝砧几酷吳儂

真差事網索不遺育捐生決下箸縮手汗童僕朝來里
中子饒吻不待熟濃睡喚不磨已落新鬼錄百年三寸
咽水陸富有殺一物不登俎未負將軍腹為口忘計身
饕死何足哭作俑者誰與至今走末俗或云先王意除
惡如執菽逆巢與毒撓歲歲參幣玉艾夷入薦蓋蓋欲
殲種族生死有定數斷命烏可續適丁是時者未易一
理局龜鼎子公怒羊羹華元舐異味古所珍無事苦畏
縮駢頭訐此語戒諭祇取瀆聾盲死不悟明知諒已燭

欽定四庫全書

石湖詩集

四

續長恨歌七首

金杯潑灑晚粧寒國色天香勝牡丹白鳳詔書來已暮
六宮鉛粉半春闌

紫薇金屋閉春陽石竹山花却自芳莫道故情無覓處
領巾猶有隔生香

聞道蓬壺重見時瘦來全不耐風吹無端却作塵間念
已被仙宮聖得知

別後相思夢亦難東虛雲路海漫漫仙凡頓隔銀屏影
不似當時取次看

人似飛花去不歸蘭昌宮殿幾斜暉百年只有雲容姊
留得當時舊舞衣

驪山六十二高樓突兀華清最上頭玉羽川長湘浦暗

三郎無事更神遊

帝鄉雲馭若為留八景三清好在不玉笛不隨雙鶴去

人間猶得聽梁州

欽定四庫全書

石湖詩集
卷一

五

雷雨鄰舍起龍

雨工避事欲蟠泥帝遣豐隆執以歸連鼓一聲人失箸

不知挂壁幾梭飛

次韻唐致遠雨後喜涼

老陽作氣再三衰鼓竭之餘不支雨寒旗旆幟掃迹空

一點新涼破殘暑飛蚊薨薨已無奇蜻蛉翅淨摩天嬉

竹窓日暮轉蕭瑟喜有促織鳴聲悲

秋日二絕

碧蘆青柳不宜霜染作滄洲一帶黃莫把江南誇北客
冷雲寒水更荒涼

新秋病骨頓成衰不度溪橋半月來無事閉門非左計
饒渠殿齒上青苔

窓前木芙蓉

辛苦孤花破小寒花心應似客心酸更憑青女留連得
未作愁紅怨綠看

嘲里人新婚

欽定四庫全書

石湖詩集
卷一

六

冷艷艷容一笑開休將鸞扇更徘徊瑩篴細寫歸舟字
彷彿遊仙夢裏來

過松江

長虹斗起蛟龍穴朱碧欄干夜明滅太湖三萬六千頃
多少清風與明月青鷗驚飛白鷺閒丹楓未老黃蘆折
誰將橫笛叫蒼煙無限驚波翻白雪洞庭林屋舊遊處
玉柱金庭路巉絕水仙逢迎慘脩袂問我歸計何當決
去年匹馬元春寒今此孤蓬窘秋熱人生意氣得失間

輕重劍頭吹一吹莫將塵土泥朱顏却待丹砂回白髮
過平望

寸碧闊高浪孤墟明夕陽水柳搖病綠霜蒲蘸新黃孤
嶼乍舉網蒼煙忽鳴榔波明荇葉顫風熟蘋花香雞犬
各村落蓴鱸近江鄉野寺對客起樓陰濯滄浪古來誰
別地清詩斷人腸亭前舊時水還照兩鴛鴦

長安閨

斗門貯淨練懸板淙驚雷黃沙古岸轉白屋飛檐開是

欽定四庫全書

石湖詩集
卷一

七

間袁文許舳艫蔽川來千車擁孤隧萬馬盤一坏蒿尾
亂若雨檣竿束如堆推推勢排軋洶洶聲喧飀偪仄復
偪仄誰肯少徘徊傳呼津吏至樊蓋凌高埃囁嚅議譏
征呌怒不可裁吾觀舟中子一一皆可哀大為聲利驅
小者飢寒催古今共來往所得隨飛灰我乃羈旅人胡
為乎來哉

榮木
并序

卧病十日綠陰滿庭因誦淵明榮木詩其序曰日月

推遷已復有夏總角聞道白首無成犁然有感乃和
其韻

薰風南來木榮於茲木榮幾時黃落從之逝其須臾生
成四時今我不學殆其已而天旋地遊日月其根形息
氣但不亡者存去鄉離家莫肯過門倚歎先師不我疵
陋寒衣示珠伴我復舊自我來歸十年不富孰蠹孰蠹
惟汝自疚冉冉榮木霜華將墜天黑路長屹蹶可畏隸
也不力奚取六驥脂車着鞭一息而至

欽定四庫全書

石湖詩集
卷一

八

兩木
并序

壬申五月卧病北窓惟庭柯相對手植綠橘枇杷森
然出屋枇杷已著子橘獨十年不花各賦一詩

枇杷昔所嗜不問甘與酸黃泥裹餘核散擲籬落間春
風拆勾萌撲檄如榛菅一株獨成長蒼然齊屋山去年
小試花瓏瓏犯冰寒化成黃金彈同登桃李盤大鈞播
羣物斡旋不作難樹老人何堪挽鏡覓朱顏頽髭爾許
長大笑歌巾冠

綠橘生西山得自髯翁家云此接活根是歲當著花俛
仰乃十霜垂蠹紛相遮芳意竟寂寞枯枝謾搓牙風土
諒非宜翁言豈予夸會令返故山高深謝汗邪石液滋
舊根山英擢新葩黃團挂霜實大如崆峒瓜當有四老
人來駐七香車

道中

月冷吟蛩草湖平宿鷺沙客愁無錦字鄉信有燈花蹤
跡隨風葉程途犯斗槎君看枝上鵲薄暮亦還家

欽定四庫全書

石湖詩集
卷一

九

落鴻

落鴻聲裏怨關山淚濕秋衣不肯乾只道一番新雨過
誰知雙袖倚樓寒

題山水橫看二首

煙山漠漠水漫漫老柳知秋渡口寒盡是西溪腸斷處
憑君將與故人看

霜入丹楓白葦林橫煙平遠暮江深君看鴈落帆飛處
知我秋風故國心

瑞香花

萬粒叢芳破雪殘曲房深院閉春寒紫紫青青雲錦被
百疊薰籠晚不翻酒惡休拈花藥嗅花氣醉人醺勝酒
大將香供惱幽禪恰在蘭枯梅落後

讀史

登壇策劉項卧廬料曹孫探懷取事業一一如印園英
豪蓋天資八極入控搏由來事成毀只繫手覆翻玉虹

朝貫日劒氣夜燭天雖欲避功名何處熱龍鸞我生後

欽定四庫全書

石湖詩集
卷一

十

千載愚暗難具言長大但食粟閔凶不能文麥豆已難
辨楮稅固不分抱瓮灌圃畦截竿避城門智畧類如此
何以超籬籬龜剝始神筴木斲方犧尊朝市有機穽冠
裳或鉗髡茲事定不問吾其老泥蟠敢云善用短聊復
強自寬

浙江小磯春日

客裏無人共一杯故園桃李為誰開春潮不管天涯恨
更捲西興暮雨來

代聖集贈別

一曲悲歌水倒流，尊前何計緩千憂。
事如夢斷無尋處，人似春歸挽不留。
草色粘天鵝鵝恨，雨聲連曉鷓鴣愁。
迢迢綠浦帆飛遠，今夜新晴獨倚樓。

二月三日登樓有懷金陵宣城諸友

百尺西樓十二欄，日遲花影對人閒。
春風已入片時夢，寒食從今數日間。
折柳故情多望斷，落梅新曲與愁關。
詩成欲訪江南便，千里煙波萬疊山。

欽定四庫全書

石湖詩集
卷一

十一

寒食郊行書事二首

野店垂楊步荒祠，苦竹叢鷺窺蘆箔。
水鳥啄紙錢風嫋，引濃粧女兒扶爛醉。
翁深村時節好，應為去年豐隴麥。
欣欣綠山桃寂寂紅帆邊，漁蕩浪木末酒旗風信步。
隨芳草迷途問小童，賞心添脚力呼渡過溪東。

初夏二首

清晨出郭更登臺，不見餘春只麼回。
桑葉露枝蠶向老，菜花成莢蝶猶來。

晴絲千尺挽韶光，百舌無聲燕子忙。
永日屋頭槐影暗，微風扇裏麥花香。

夏夜

脉脉惜佳夜，泠泠成浩歌。
儻無詩句子，將奈月明何。
露氣濛花重，風聲入樹多。
清歡殊未辨，桂影墮江波。

與時叙現老納涼池上時叙誦新詞甚工

會心不在遠，頃步便得之。
長風吹月來，清影落半池。
屋頭見木葉，玲瓏剪琉璃。
紅塵絆兩足，大筴兒輩癡。
老禪挽我遊高論，方軒眉潘郎忽鼎來。
談詩解人頤晚誦雲髻篇，濯濯餘春姿想見篇中人。
清潤如君詩笑我兩枯木，獨與三冬期。

林元復輓詩

胸次崢嶸滿貯書，十年名字滿江湖。
張公閱世詩千首，揚子傳家宅一區。
謾道春風須得意，那知秋雨不成珠。
自從雪魄冰魂散，魯國今誰更服儒。

戲贈少梁

欽定四庫全書

石湖詩集
卷一

十二

屈膝銅鋪畫掩闌薰爐誰伴夕香寒秋來合有相思字
會待風前片葉看

南徐道中

以下赴金陵諸試作

生憎行路與心違又逐孤帆擘浪飛吳岫湧雲穿望眼
楚江浮月冷征衣長歌悲似垂垂淚短夢紛如草草歸
若有一廬供閉戶肯將篋舫換柴扉

欽定四庫全書

石湖詩集
卷一

十三

石湖詩集卷一

石湖詩集卷二

宋 范成大 撰

望金陵行闕

聖代規模跨六朝行宮臺殿壓金鼇三山落日青鸞近
雙闕清風紫鳳高石虎蹲江蟠王氣玉麟湧地鎮神臯
太平不用千尋鎖靜聽西城打夜濤

金陵道中

欽定四庫全書

石湖詩集
卷二

山晚黃羊隨日下天寒白犢弄風歸愁埃百轉西州路
笑憶沙湖一棹飛

曉行

官塘驛

篝燈驛吏喚人行寥落星河向五更馬上誰驚千里夢
石頭岡下小車聲

秦淮

不將行李試問誰信江湖道路難腸斷秦淮三百曲
船頭終日見方山